

CENTRO DI BARIO LAGO HEIGHTS CU EDIFICIO NOBO

ORANJESTAD [AAN] pa diabierna awor dia 14 di Juni pa 7'or di anochi lo ser teni e apertura oficial di e edificio nobo di Centro di Barrio Lago Heights, y esaki ta keda situa na Christoffelbergweg 5 na Lago Heights, SanNicolas.

E edificio nobo aki a worde construi na e mesun sitio di e anterior Centro di Barrio cual a habri su portanan oficialmente dia 10 di November 1987, y den cual den menos di un año, dia 16 di Juli di 1988, a worde destrui pa un candela feroz cu no a laga nada atras.

E ciudadanonan di Lago Heights no a para keto, pero cu cooperacion di

gran parti di e comunidad Arubano a cuminsa traha mes ora cu recaudacion di fondo pa reconstrui e edificio.

Awe, despues di mas o menos 3 año cu e edificio a kima, gracias na Cede Aruba, Gobierno di Aruba y Gobierno di Hulanda y varios otro instancianan na Aruba, Lago Heights y vecindario por mira atrobe apertura di un edificio bunita cu yama Centro di Barrio Lago Heights.

E programa oficial pa invitados lo ta di 7:00 pm pa 9:00 pm cu diferente discurso sigui pa un show cultural cu canto y baile y pa 10:00 pm ta cu 2:00 am lo tin un fiesta bailable pa tur hende cu ta desea.